

# Musica unescha

# MUSICA ANIMESCHA



**Giuventetgna e Musica – in program  
da promoziun da la Confederaziun per  
uffants e juvenils**

**:JM+** Jugend und Musik  
Jeunesse et Musique  
Gioventù e Musica  
Giuventetgna e Musica

# Far musica da cuminanza CRESCHER DA CUMINANZA

**Tgi che fa musica da pitschen ensi emprenda dapli che mo da sunar in instrument u da chantar. La furmaziun musicala sustegna il svilup personal – e quai per vita duranta. Il program Giuventetgna e Musica da l'Uffizi federal da cultura (UFC) promova l'access a la musica d'uffants e da giuvenils.**

Far musica da cuminanza – en in chor, in orchester, ina band – signifitga: emprendre da cuminanza, tadlar in sin l'auter, gidar in l'auter, realisar communablamain projects. En questa moda na sviluppan ils uffants ed ils giuvenils betg mo lur capacitad musicala e lur creatividad, mabain era cumpetenzas socialas, intellectualas ed emoziunalas e la fidanza en sasezs.

Exact quai è il punct da partenza da Giuventetgna e Musica (G+M): il program da la Confederaziun promova il svilup musical d'uffants e da giuvenils tranter 4 e 25 onns cun sustegnair finanzialmain projects ordaifer la scola sco curs e champs. Tuttina sch'els fan musica classica, rock, rap u musica populara – il principal è il plaschair e la cuminanza.

# Las porschidas da GIUVENTETGNA E MUSICA

**G+M sustegna uffants, giuvenils, musicistas e musicists  
en trais secturs:**

## **1. Curs da musica**

per uffants e giuvenils

Far musica da cuminanza fa anc pli grond plaschair!  
Curs da G+M han lieu adina en gruppas – cun almain  
tschintg personas. Ils curs cumpiglian diesch fin  
ventg lecziuns a 45 minutas.

---

## **2. Champs da musica**

per uffants e giuvenils

Champs da musica èn grondiusas experientschas  
cun umans da medems interess ed eveniments  
che restan en memoria. G+M sustegna champs da  
musica per gruppas a partir da diesch personas.  
Ils champs pon durar dus fin set dis e ston porscher  
mintga di almain tschintg lecziuns a 45 minutas.

---

## **3. Scolaziun e perfecziunament**

per manadras  
e manaders da G+M

G+M dovra manadras e manaders motivads che  
dattan vinavant lur entusiassem per la musica a  
la proxima generaziun. G+M scolescha manadras  
e manaders da G+M che instrueschan ils uffants  
ed ils giuvenils durant ils curs e champs da G+M.



### **Tgi po realisar curs e champs da G+M?**

- **Organisaziuns da musica** pon offerir curs e champs da G+M.
- **Scolas da musica e scolas** pon offerir curs e champs da G+M ordaifer l'instrucziun regulara.

### **Tgi po daver tar manadra u manader da G+M?**

Persunas cun ina furmaziun musicala preliminar a pon daver tar manadras e manaders da G+M e realisar curs e champs da G+M per organisaziuns da musica, scolas da musica u scolas popularas e scolas medias. Els ston avair almain 18 onns.



## Ulteriuras infurmaziuns

Infurmaziuns detagliadas davart il program da G+M, las pussaivladads da scolaziun e perfecziunament per manadras e manaders da G+M e l'inoltraziun per curs e champs da G+M chattais Vus sut [www.bak.admin.ch/jm](http://www.bak.admin.ch/jm)

## Contact

Il program da G+M vegn manà da l'Uffizi federal da cultura e realisà d'in secretariat incumbensà persuerter. Il secretariat stat a disposiziun per scleriments sco emprim post da contact:

Program Giuventetgna e Musica  
c/o RPC  
Helvetiastrasse 7  
3005 Berna

[jugend-und-musik@rpconsulting.ch](mailto:jugend-und-musik@rpconsulting.ch)  
**+41 (0)31 521 46 02**



Schweizerische Eidgenossenschaft  
Confédération suisse  
Confederazione Svizzera  
Confederaziun svizra

**Uffizi federal da cultura UFC**